

خزینہٴ اوراق

نومرو
۱۹

جمعہ ایرتسی
تاریخ تألیس
۱ مایس سنہ ۱۲۹۷

عمومی اعتباریہ فتونہ دائر رسالہٴ ادیبہ در

آیدہ درت کرہ اولہرق جمعہ ایرتسی کونلری چبقار

چینه بولان اهل اسلام

مالك چينك مركب اولديغي اونالتي ولايت وسيعه دن يونان ولايتنده اهل اسلام پك كليلودر . حتى مؤخرآ اوراده بردولت اسلاميه تأسيس ايتش ايسهده حيفاكه چوق زمان پايدار اوله مامشدر . بودولتك صورت ظهور وانقراضى بروجده اتى مختصرآ بيان اولور .

بوندن اوتوزبش قرق سنه مقدم خاقان چين اورايه اهل اسلامدن بر ذاتى (تايى سو) يعنى والى نصب ايدوب احمد اسمنده ديكر بريى دى (ماتى تاي) يعنى والى مانوفى تعيين ايتش ايدى . بو ذات هر نسله چوق پكمكسزين چين دولتى عليه قيام وسايماں سلطان عنوانيله كسب استقلال ايتدى وثاليغو شهرينى پانخت . انخاذايله يكرمى بش سنه كال شوكت واقتدار ايله مسند نشين حكمرانى اولدى . بومدت ظرفنده همجوار اولان محللردن بعضلرينى فتح ايله مملكتنى توسيع واسلا . مك مقداريى دى تكثير ايتدى . وچينه همحدود اولان برمادولتى اول وقتقدر خاقان چينك خراجكذارى اولديغى حالده اتى دى غريق ايلدى .

سلطان سليمانك كسب شوكت واقتدار ايلسى اوزريشه چين دولتى ارتق ايك تحت اطاعته ادخالندن قطع اميد ايله برمقدار ويركو ايله يونانك برولايت ممتازه شكلنه وضعنى بالادفعات تكليف ايتش ايسهده سلطان سليمان موافقت كوسترمامش ايدى .

سلطان مشار اليه ايله يونان شهرنده والى اولان سالف الذكر احمد ماتى تاي ييشده بوندى برقاي سنه مقدم هر نصل ايسه

نفاق حاصل اولہرق مشار الیہ اجد کندو طرفنہ جلب ایتد۔
 یکی بر طاقم ارکان دولتلہ برابر چینلو ایلہ اتفاق ایلدی۔ بونک
 اوزرینہ چین دولتی طرفندن سلطان سلیمان اوزرینہ سدمہ
 اولنان بر اردو کلوب تالیفو شہری قربندہ نصب حیام سر۔
 عسکری وکویا مکملہ ایتک اوزرہ سلطان مشار الیہی نزدینہ
 دعوت ایلدی۔ کرک اجدک وکرک کندو ارکان دولتلک بوجملہ
 خیانتی کوردکدہ مقاومتدن مایوس اولہرق بانجلہ وکلاسی رفاہ
 قتندہ اولدینی حالہ خواہ وناخواہ دعوت مذکورہ اجابہ
 کوستردی اردویہ وصولندہ چینلور بونلرک جملہ سنی طوتوب
 غدارانہ اعدام ایلدیلر وکندوسنہ خیانت ایدن وکلاسی دخی
 بو وجملہ جزای عملرینہ دوچار اولدیلر۔

سلطان سلیمان اردویہ کتمزدن اول باشنہ کلہ جک فلاکتی
 محقق بیلدیکندن دشمنک پنجه قہر وحقارتنہ دوشمہدن محافظہ
 ایچون اوج حرملہ حاضر بولسان اولادینی انلرک موافقتلریلہ
 تسمیم ایلش ایدی۔

بعده چین اردوسی شہرہ کبروب اللرینہ پکن اہل اسلامی
 قتل عام ایتدیلر برحق اہالی دخی اطرافہ فرار ایدوب ازجملہ
 بری بیلقدر نفوس اسلامیہ ہند حدودندہ اسام طاغندہ والی
 بیلک دخی سیام ایلہ برمایندہ واقع شان مملکتنہ کیدوب اورادہ
 بعض پرل ضبطیلہ تمکن ایتدیلر وسلطان سلیمانک براوغلی الیوم
 مذکور اسامدہ برحیاتدر۔

بو قدر مصائبہ سبب اولان سالف الذکر اجد (ماتی تائی)
 کلنچہ مرحوم سلطان سلیمان وقعہ مؤلمہ سندن صکرہ چین
 دولتی کندوسنی بونناندہ براقیوب پکینہ جلب ایلدی واورادہ

بر مدت معزول فالدقدن صکره هون نان ولایق والیلکنه نصب ایدلدی. الی بومنا هذا اوراده در. مشارالیهک حرمی وهمشیره. سی وبعض اولادی یکن سنه حجازه کلشدر ایدی حج شریفدن صکره عودت ایدوب فقط براوغلی تحصیل علم ایچون مجاورتله مکه مکرمده قالدی. بوچینلورک ایچنده طقوز قادین وار ایدی که مملکتلرینک عادتق اوزره ایاقلری صناعی اوله رق غایت کوچک ایدی وبالطبع زحمتله یوزیدکلرندن اللرنده کی عصایه طیانهرق طواف ایدرلر ایدی. غالبا مکده ایلک دفعه اولقی اوزره چینلی قادین کوردلیدکندن بتون خلق بونلره تعجب ایدرلر ایدی.

سلطان سلیمان ذکر اولانان وقعته فچیعه دن اولجه بیوک او. غلی شهزاده حسنی بعض اروپا دولتلیله وبالخصوص سلطنت سنیه ایله مناسبات دوستانه تدارک ایلک اوزره اروپایه اغزام ایلش ایدی. مشارالیه بوندن درت سنه مقدم درسعا. دته کلوب جنتمکان عبد العزیز خان طرفتدن مظهر اعزاز واحترام اولمش ایدی حتی اول وقت فقیر راقم الحروف برقاج دفعه کندوسی ورفاقتنده بولنان ارکان مملکت ایله ملاقات ایدوب معیتلرنده بولنان بر انکلیز ترجان واسطه سیله قونشدم. فقط رفقا سندن بعضلری براز عربی بیلدکلرندن انلرله طوغریدن طو. غریبه مصاحبت ایدردم حتی واقع اولان رجام اوزرینه اوکده بر عشر قرآن کریم ایله چیچجه بعض اشعار وسائر اوقودیلر وکندو عادتلری اوزره برقاج سطر یازی یازدیلر بو خط ویا دکار اولقی اوزره اهدا ایشدکلری تصویرلری حالا نزدیده محفوظدر.

شهرزاده حسن در سعادتدن عودتله چین اسکلک سنه ورودنده
پدرینک و سلطنت اسلامیه سنک دوچار اولدیغی فلاکت عظیمه
خبر المنله همان هندستانه عزیمت ایلدی . اوراده انکلیز دولتی
طرفندن کندوسنه شهری اوج یوز رویه معاش تخصیص اولندی
ودهلی حکمدار سابق اولوب رانقونده منفی اولان مظفرشاهک
کریمه سنی تزوج ایدوب الیوم اوراده اقامت اوزره در .

چینده اسلام مذکور یون نان ولایتیه مخصوص اولوب
هر طرفنده کثرت اوزره در . وهج بر شهر وقصبه یوقدرکه
انده لاقل برجامع اولمیه و اهل اسلامک محله لری ایریدر . حتی
یون نامنده مشاهیر علمای اسلامدن سید یوسفک لسان عربی
اوزره تألیفی اولان (اقالیم الصين) نام کتابنده بیان اولندیغی
وجهله چینده بخش ملیون اهل اسلام والتی بیک جامع شریف
واردر . سالف الذکر شهرزاده حسن دخی چینده نفوس
اسلامیه نیک اول مقدار اولدیغی تأمین ایش ایدی .

مؤلف مومی الیه سلطان سلیمان دولتش اتراضی مؤدی
اولان وقوعاتی متعاقب واکا تعاقی اولان بر ماده دن طولایی
ملککنده شهید اولمدر . رحمة الله علیه .

(منیف پاشا)

اکرم بک افندیکن خزینة اوراقده محفوظ اولان

« حسبال » نامنده کی منظومدرینه نظیره

ادیلر اولیور ترجانک ای بلبل

نیچون بیلمیه درد نهانک ای بلبل